


# OMUKWETU

Registered at the General Post Office as a Newspaper

EFIMANO LA KALUNGA MOKOMBADA



**"TALENI OHOLE ONENE YITHIKE  
MPA,, 1Joh.3:1**

Etumbulo ndino olyo lya li ehuku melandulathano lyoshituthifumviko lyomusitagongalo Samuel Ndinoshiho, 48, mE-LONDO, ngoka a zimbulwa miilonga ye pethimbo lyuugundjuka meti 27.11.1975, konima yuuwehame wethimbo efupi. Ndinoshiho oye omusita gwtango megongalo ndyoka Elondo, lya dhikwa konima yomimvo dhimwe nolya adhika lya koko nawa.



Egongalo, aakalelipo yomagongalo Oshitayingeleka shUuninginino, aasita, aayevangeliste nosho aakalelipo yoongeleka oomwameme, ngashi aakatoolika, aayanglikana nongeleka yoombulu, oya kalelwa po wo moshituthi shika.

Oshituthi osha tamera nelongelokalunga, moka aasita Mika Ilonga na Matti Endjala ya li aaliturgi, manga Josphat Shanghala a li omuuvithili gwasho. Omuvithi Shanghala mokulesha 1Tess.4: 13-18, eso okwe li fatulula ngeyi: "Eso oli na oonkondo notali tula aantu momalimbililo. Eso otali topola aantu naantu ooyakwawo, ihe ohali topola wo aantu naKalunga. Olyo otali tula ishewe aantu momilema."

Okwa tsikile ta ti: "Tse aakriste katu na uumbanda, oshoka eso kutse olyo elikolo." Omusita Shanghala okwa popitha nokupula ongundu onene yaalilasa, ya li ya kuutumba momugongo omunene, ta ti: Ngoye sho wa popithwa keso ndino momwenyo gwoye, owe li ukitha kulye, okomukulupe nenge okomuvu? Okwa lombwele aalilasa mbeyaka opo kehe gumwe, e li ukithe kuye mwene. Ongundu ndjiyaka omusita Shanghala okwe yi longo wo kutya aakriste itaa hulile momilema dheso, ihe otaa tala kuJesus ngoka ta gandja eitaalo nehupitho kwayehe.

Omulongi nomukuluntugongalo, Tobias Amupala, mokweeta ondjokonona yanakusa okwe shi ningi ngeyi:

a) Meputuko lye nakusa Samuel okwa

kala hu uvu ko aakuluntu ye mbala.

b) okwa li ena omagulu omapu; tashi ti oha tumwa te endebele,

c) okwa li ha uvithile aantu evangeli manga a li omumatyona,

d) okuvulika kwe kaantu okwe mu longo okuvulika kuKalunga.

Okwa li a tameke oskola yaamati momumvo 1945. Nonando a li omunkundi muugundjuka we, oseminali yuulongi okwe yi piti 1951. Okwa li a kala moshilonga shuulongi omimvo 13, manga inaaka tsikila Oseminali yuusita kOtjimbingwe 1964. Moshilonga shuusitagongalo okwa yapulilwa mo momumvo 1968.

Egongalo lya kumidhwa nohapu dhaKalunga dha pitile momakana goonzapo oyendji, ya popi medhina lyegongalo, lyaaavali nolyaavalwa. Oonzapo odhindji odha holola nkene nakusa nguka okwa kala a thika pomuntu kehe. Ye ina dhimbwa wo omuntu kedhina.

Omuyakulitonateli tatekulu Elia HaiPINGE mekundo lye okwa holola nkene nakusa Ndinoshiho ina kala e na ondjelo,

ye ina kala wo ta lalakanene mbyoka tayi lalakanenwa koyendji pethimbo ndika.

Omuwilikingeleka tate K. Dumeni, ngoka a li wo moshituthi shiyaka, okwa tsu egongalo omukumo nOhapu yaKalunga Luk.1:23. Tate Dumeni okwa dhimbulutha aanashilongangeleka ayehe nokutya ethimbo efupi, onke otu na okulonga nondjungu. Omumbisofi dr. L. Auala sho kwa li inaa mona ompito yokuthika moosa, amushanga gwe P. Shipena a thikitha omakundo ge kegongalo, komuselekadhi naanona, kOshitayingeleka nosho kOngoleka ayihe. Omanenedhiladhiloga kwatelelwa mekundo lyomumbisofi ogo:

a) Samuel Ndinoshiho okwe tu thigile oshiholelwa ongomusita nomukriste iigandja kOmuwa,

b) Kalunga sho kwa ithana omumati gwe kegumbo ina puka,

c) Eso ndika lyomukwiita a zimbulwa miilonga pethimbo lyuugundjuka we nali kale elondodho kutse atuhe, kutya ethimbo lyiilonga efupi.

Omumbisofi okwa halele omuselekadhi a kuthe ehala lyaMaria: "Ngame omuntu gwOmuwa nandi ningwe ngaashi wa ti." Luk.1:38.

Konima yomapopitho nomatsaathanomukumo mondjila yeitaalo, ongundu yaalilasa yi thike 1000, oya thikama pombila naasita ye li momuzalo gwoshilonga. Aasita yahamano mboka ya li mongundu

yimwe nomusi Samuel moskola yuusita, oya kulukithile omudhimba gwe mombete yahuginina a vululukwe manga noku-tegelela ongula ompe yeyumuko yi she. Omudhimba ogwa yapulwa komupehatonateli tatekulu Tomas Shindongo.

Nonando egongalo lya holoka lya sa oluhodhi, iipala yoyendji oya adhima kenyanu lyetegameno lyeyumuko nolyemonathano. Ngaashi omumbisofi kwa adhika e shi holola nale mekundo lye, kutya oluhodhi ndoka kalu shi LWAAALONDO ayeke, ihe olwOngeleka ya Elok ayihe, osho tuu wo tapa tegamenwa O- ngeleka ayihe yi dhimbulukwe egongalo ndika egundjuka, omuselekadhi naanona momagalikano nomokukala akuhe. "Oshilyo shimwe ngele tashi ehama, nena olutu aluhe otalu ehama pamwe nasho."

EGONGALO LYALONDO, MUUKWALUUDHI, SHO LYA KANITHA OMUSITA GWALYO SAMUEL NDI-NOSHISHO NESO LYOHADHULUKA NGEYI, EPANGELONGELEKA OLYA LANGEKE OMUSITA LASARUS KATOMA A LELE EGONGALO NDYOKA OKUZA ESIKU LYOTANGO LYOMUMVO NGUKA. NAKUSA NDINOSHISHO, OYE OMUSITA GWOTANGOTANGO MEGONGALO NDYOKA EPE.

### JESUS OMUHUPITHI NOMUHANGANITHI

Natu tsuweni omukumo peha lyokutyolokithwa keyooloko lyokuyamukula kepulo lyoshipalanyolo "Jesus oye olye?"

Jesus oguni po ngoka ta mangu-lula nota hupitha? Aantu otaa ti Omuna gwO-muntu oye olye Mat.16: Kape na ngoka ta vulu okugandja eyamukulo lya gwana po okuyelitha omutungilo gwa Jesus, pautologi nenge pamukalo gulwe gwo-ntumba. Na Jesus mwene osho te tu pula: Aantu otaa ti ngiini, ongame olye? Okugandja eyamukulo kepulo ndika, otwa li tu na okwiikonakona tango, kutya tse otse oolye.

Ngele eyamukulo lyoye lyongashingeyi otali zimine Jesus kutya Oye omuhupithi, nena omuntu oto thiminikwa wo u

mu taambe ongOmumangululi, ngoka onkundana ye tayi kakamitha iikololo ayihe yuuntu moka wa hala okuholama mo.

Ngele Jesus oye omugandji gwetegameno, mu taamba wo sho te ku dhimbulutha kutya uuwinayi kau li ashike monkalathano ndjoka ya tungwa nomahepeko, ihe ou li momuntu kehe. Jesus ote tu mangu-lula meimbembeleko lyiifundja, moka tse olwindji tatu holama mo note tu mangu-lulile ompito tu tale uuyuni molwooyakwetu, twi idhimbwa tse yene.

Okutala uuyuni wi idhimbwa, okutala kumboka ye li moluhepo nomomahepeko. Onkugo yaasindjala oya londa po-



mbanda. Osho wo yaamboka taa thiminikwa kuupolotika nokomahupilo. Elaka lyaJesus te eta emangu-luko nonkugo yaahepekwa ya hala emangu-luko, oyi lyaathane popepi, kayi shi okutopolwa.

Tu ulikeni nokutya otwa mangu-lulwa tu taaguluke omidhingoloko moka twe edhililwa mo, opo tu tungeni uukumwe mboka twe u ithanenwa kuJesus ongOmuhanganithi ngoka e tu ithana moshilonga. (EPS)

(Efupipiko lyeuvitho lya dr. Robert McAfee Brown, omulongi guuteologi muCalifornia, America. Okwe li uvitha moshigongi shaayehe shOraata yOngeleka muuyuni (WCC) sha gongalele 1975 muDesemba muNairobi, Kenya.)



**Omusamane S. Matias**

Tate Salomo Matias (49) pombanda, okwa tamekele iilonga mpaka 1962 manga tayi wili-kwa komutumwa Aarne Hartikainen. Okwa longo momashina ogendji, lyokuteta omambo noombapila, lyokuhondja omambo nolyokugonya oombapila.

Sigo onena ota tsikile niilonga mbyoka. Tate Salomo osikola okwe yi thigile po 1948 mo-dibo noku ka longa mOvenduka, hoka a zi e ye a tameke iilonga ye putse sigo onena. Kumboka amuhe mwa gandja ongalo ketungululo lyOshinyanyangidho ngashingeyi Tate Salomo ota ti:



**Aina Amakali**

Kalunga ne mu yambeke, ye e mu gwedhele omayambeko ogendji taga zi pombanda kungoka ha vulu ayihe. Tse otatu tsikile natingo oshilonga shOmuwa tu na omukumo musho omolweni.

## **OMBELEWA IPE YA AACC**

Momukangha wetungo lipe lombelewa youkumwe weengeleka daAfrika AACC eli tali tungwa paife muNairobi, Kenya, otamu tungilwa yo efinamhango lehangano olo, omadina eengeleka adishe di li paife oilyo, efinamhango loukumwe woilongo yaAfrika ya manguluka (OAU) nomadina oilongo oyo. Ongeleka keshe i li oshilyo oya pulwa yo i ya ndje oshimaliwa oshikukutu shomoshilongo omo tai longo noshitombe.

Oinima ei aishe otai kolongelwa momukangha wetungo i pungulilwe ehistoli lovalihongi monakwiiwa.

Opwa ningwa etokolo odula ya dja ko 1975 ombelewa ya AACC i lunduluke opo ya kala shito. Oimaliwa yeedola doshiyamerika omiliyona imwe oya fanekelwa metungo.

Odopi yotete kombada yomukangha ou emanya la kufwa ketale laRudolf peengaba daKenya naEtiopia opo ovafulimedu (ovakonakoni) va mona kutya opo pa kala Ovayafrika vonale.

Omunoko wokukwatela kumwe odopi ei nadi-kwao, owa lungwa nedu la kufwa ketale olo. "Kamu na oshili momupopyo nokutya fye Ovayafrika otwa kala katu shii Kalunga fimbo ovatumwa inave uya mo.

"Oukriste, ngaashi yo ouislam (oumuhamed) omidi dao oda kala da mena muAfrika" osho sha tiwa komupresidende woshilongo shaKenya, Jomo Kenyatta, ou kwa li po omudiki wemanya lotete metungo olo.

Ediko lemanya lokolonela mombelwa ei ola ningilwe pehulilo laNovomba 1975.

"MONiipa omo nda valelwa nomo nda putukile, kakele sho kwa li owala nda zi mo omathimbo gokuya kooskola, okukonga oongundu dhopombanda", osho omukadhona Aina Amakali, 27, a tumbula sho kwa li ta fatulula okukalamwenyo kwe pafupi.

Oskola okwa li e yi kongo kOntananga 1964 hoka a kala omumvo gumwe mostanda ontine. Omumvo gwa ka landula okwa tsikile moOkagumbo kOshigambo nokwa zimbuka ko 1965.

Okwa li a taambelwa miilonga yOshinyanyangidho komusamane Katau petameko 1966. Oshilonga she shotango muka osha li okuhogolola oondanda, o-po dhi tunge omambo nenge oshifo nuukalata wi ili nowi ili. Okwa kala ependa nomunandjangu miilonga yehogololo.

Pethimbo lyongashingeyi Aina okwa taambithwa oshimpwiyu shokuyakula mostola yomambo.

## TWA TOONONA IYIMATI YOTANGO

Pamautho ga "Sorsa Fonds" ope na okugandjwa epandulo eshona komukadhona gumwe omwiilongi mOsekundorskola mOkahao, omudhiginini miilongwa nomuvuliki moskola.

Lwotango tango, ano 1975, epandulo lyooR20-00 olya pewa Elizabeth Elago, omulongwa moform III, Omukwaluudhi. Omautho otaga ti aalongi oye na okukundathana nokutokola ngoka e na okupewa epandulo ndika; osho sha ningwa.

Aagandji koshiketha shika aaholike, otatu nyanyukilwa oshilonga shika notu na ehalo shi hume komeho, onkene ano tu dhiginineni okugwedhela moshiketha shetu omumvo kehe, opo tu kale tu na sha okukumika nokuhwamitha aanona yetu. Shika osho oshilalakanenwa shetu. Mpaka otapa landula ishewe omadhina gaagandji taga tsikile kungoka ga adhiga hololwa miifo ya tetekele:

180 M. Elonheimo	14.5. lähtien
181 Mirjam Shetunyenga	Okalongo
182 Saara Mokaseua	Okatope
183 Julius lilonga	Uukwandongo (Windhoek)
184 Laina Amupolo	_____
185 Viktoria Hango	_____
186 Johanna Shimuele	_____
187 Ebba Shapenga	Okalongo
188 Saara Shikeva	Engela
189 Saara Nekundi	Elim
190 Sarti litula	_____
191 Elina Kaulinge	Ongwediva
192 Ndeshihafela Nghifikwa	Ongwediva
193 Loide Amupala	Ombalantu
194 Sofia Mbandeka	Ombalantu
195 Liina Mpanda	Okahao



**Omusamane Henok Edward**

Henok Edward (41) ye oshilonga shika ota ti okwe shi longwa omimvo 22 manga shi li



**Aune Iyambo**

Omukadhona Aune Iyambo, 22, okwa valemwa kOndangwa mUukwambi, nkoka egumbo lyaakuluntu ye li li sigo onena. Oskola yaanona okwe yi hiti pEkamba (Uukwambi) sigo a nyola ekonakono lystanda onti 6 momumvo 1972.

Okuza petameko lyomumvo 1973 okwa tsikile eilongo lye kEngela, mEnongelo lyaayakuligongalo, moka a likola onzapo yuutekuligumbo konima yoomwedhi hetatu.

Konima yeilongo lye, Aune okwa longwa mombelwa yelundululombimbeli puElim, omutopatopi, ethimbo li vule omumvo gumwe. Oshilonga shelundululombimbeli sho sha fudha po manga, omukadhona nguka okwa taambelwa mOshinyanyangidho okuza petameko lyomvo 1975. Muka ota yakula miilonga yi ili noyi ili moka mwa kwatelelwa wo uutekuligumbo waanyanyangidhi.

mewiliko lyomutumwa Eero Kanainen (Makaya), nomanga nokuli Oshinyanyangidho shi li natango kOniipa yotangotango.

Sho e ya mo okwa longwa okutseya oonda nda omaludhi gadho noku dhi shunitha muuketha wadho ngele dha pu okulongi-thwa.

Tate Henok okwa longwa iilonga oyindji nopomashina ogendji. Tango a longwa peshina ndyoka lyokunyanyangidha, ndyoka lya li pethimbo ndiyaka a ti kutya olya li tali kweywa owala niikaha, shoka olushe-no kalwa li lu shiweke mo manga mOshinyanyangidho.

"Otandi hambelele Kalunga molwoowino odhindji nde dhi likola miilonga mbika nomolwompito ndi yi na yokuthikitha evangeli niinyolwa mbika kaamwameme," osho omusamane Henok mwene a tumbula.



Meme Emilia Rehabeam

Meme Emilia Rehabeam (35) okwa tameke mOshinyanyangidho 1958, moka a kala nokugonya oombapila. Konima okwa ningi omuhogololi gwoondanda.

Sho a kala ethimbo ele moshilonga shika, nena okwa longo wo pamwe noyendji te ya dhimbulukwa natango.

OoRusa N. Vilho, Hendrina Oiva aahogololi. Osho wo ooRauna Levi, Anna Simon, Anna Hofni, Sofia Kandombo, aagonyi yoombapila. Inali Mbenzi naPetrus Leo oya li taa nyanyangidha manga Sem Amadhila naShikongeni Shayuka ta ti kutya mboka oya li pe-teleko lyoondanda.

"Pethimbo ndiyaka otwa longo iilonga oyindji niikaha. Ihe ngashingeyi ope na omashina omakumithi taga endebele, ngaashi ngoka go-kuhogolola," osho meme Emilia a hokolola nenyanyu.

Okwa tsikile ko ta ti: Mokuhambelela Kalunga kandje sho a humbata ndje muule wethimbo ndyoka, otii shi ningi nEpisalmi 103.

### OMHUMBWE YOYAPANGI VANE MENGELA

**Ovaholike nyee ava mu li ovanashilonga vOmwene mouhaku wopalutu; Ohatu pumbwa ovanashilongapangi ava: Oosister-pangi vali, na ovadalifipangi vavali. Ohatu teelee u tume diva eindiloloye kuMatrone oku kEngela. Eindilo loye nali fike diva okutameka Januari fiyo ngaa petameko laFebuluali ee. Eumbo omo to kala ola pwa nale noliwa unene kuhe na vali. Oinima iwa i li mo kaume. Endelesa u tume eindilo loye manga kuyela. Eindiloshiivo loye li tuma ku**

**Matrone Engela Hospital.**

**Tangi eshi tamu tu kwafa nomwenyo uyadi eyakulo.**

**Matrone Engela Hospital.**

### OSHIGAMBO 1975 INASHI NYOLA OMATILIKA

Osikola yokombanda yOngeleka ya Elok mOshigambo, pehulilo lyomumvo 1975 kakwa limboka ya vulu okunyola ekonakono lyOmatilika.

Osho sha dhimbululwa mehokololo lyiilonga yomumvo yosikola ndjika.

Omumvo 1974 osikola ndjika oya li ya kanitha aalongwa ayehe yongundu yofolomu ontine (IV) molwokuza po kwaagundjuka oyendji ya taaguluka oongamba dhoshilongo omumvo ngoka.

Shika osho sha ningitha iipundi yofolomu ontintano (Matilika) yi kale owala yaa na aalongwa 1975 sigo opehulilo lyomumvo.

Osikola ndjika hayi zi iiyimati iiwanawa momakonakono gaMatilika, olwo lwotango mehistolli lyayo sho inaayi pititha nando gumwe, muule

womimvo 16 okuza uuna sho ya dhi-kwa.

Konyala aalongwa 100 ohaa vulu okukala mosikola ndjika melongo lyaa-longi yethike lwopo 10, aavalelwamo naatumwa yOngeleka.

### OYOONGALELE YOYANASHILONGA MONGELEKA

Ovanashilonga aveshe mEengeleka muAfrika, otapu diladilwa nomodula ei va ka ningilwe oshoongalele shovo. Ombelewa youkumwe weengeleka daAfrika (AACC) oyo ya shiivifa oshinima eshi.

Ovawilikingeleka, ovadiinini voiniwe novanailonga ikwao i na sha neshikulafano longeleka, ovo unene tava diladilwa eekersesa e di.

Okersesa yokukwafa mewiliko lOngeleka oya ningwa nale 1975. Opwa ningwa yo okersesa yotete muAfrika yovashingi veedila omo mwa kala ovakriste va dja moilongo omugoyi ya-Afrika.

Omushamane S.G. Shehata hamushanga woiniwe ya AACC, okwa ti kutya natango opulanda opo i li okuninga eekersesa edi momido 1976-1977.

EFINDANO LONGELEKA MUAFRIKA  
ONGENGE I SHII OKULIKWAWA YOOVENE  
-BROOKINS

Ongeleka muZambia oya londwelwa i xulife po enwefomo layo lopashieuroopa. Eshi otai shi ningi ngenge tai teya po ekwatafano layo loimaliwa noilongo yopondje.

Elondwelo ola dja komubishopi omukulunhu wOngeleka yaMetodi, yomailongo, Malawi, Tanzania, Rhodesia, Zaire naZambia. Omubishopi Hartford Brookins, okwa ti:

Efindano la mana lOngeleka muAfrika ongenge ashike tai dulu okulikwawa yoovene, ou-puna wayo tau di movanhu vayo vene kehalo liwa.

Brookins ye mwene omulaule Omuyamerika nokwa tewa omafiku aa muRhodesia.

MuGhana Ongeleka yaKatolika, oye litula kumwe nadikwao moshilongo, di tote po ongeshefa okumona omaxupilo kuyo vene.

Oilonga ngashi, okunwefa omahooli, ondashipota nomapya eefalama, oya tamekwa nale, oyo di xulifepo ekwawo lopondje.

**ENONGELO LOVAYAKULIONGALO**

Otali ka hovela oilonga yalo 2.2.1976 Omwene Kalunga ngenge te shi tu pitikile.

Ovahongwa aveshe ve na edimini-  
no lokukala mEnongelo 1976, ova  
teelelwa ongula yeti 2.2.1976.

Ava va teelelwa ovo:

- a, Ovafitahongwa
- b, Ovatekuliumbo
- c, Ovambibeli
- d, Ovaambididwa (Ovakambeli)

Omaongalo oo e li molufo lokweeta  
ovaambididwa, nave va fikife efiku  
tuu eli 2.2.1976.

Oshoongalele shovadiakoni va  
ELOC otashi ka hovela noxungi mE-  
nongelo eti 11.2, notashi ka xula  
15.2.1976. Ovadiakoni amushe o-  
mwa teelelwa.

lipinge-Kristof Shuuya

**AVESHE VA INDILILWA OUFEMBA KONGELEKA MEHOOLCLO**

**Ongeleka yaKatolika kaRoma muNamibia (Suidwes- Afrika) oya indila ke-  
pangelo la S.A. ku ningwe ehoololo laaveshe moshilongo ashishe, opo ku  
monike ovaleli voshilongo va tambulwa kwaaveshe memanguluko.**

Oshitwa eshi, oshimwe shomoitwa ihapu ya yandjwa mehokololo lOngeleka ei, omo Ongeleka ya ti kutya ngenge Epangelo tali i wanifa, ombili pokati komihoko moshilongo eshi otai hangika diva.

Mehokololo eli la yandjwa mOvenduka pe-xulilo laNovemba 1975, omwa tiwa kutya ediminafano po lomatimba (reconciliation) otali uya ashike ngenge:

— Okangudu kavanini aka taka pangele vahapu, taka efa omafininiko ako okufininika ovo vahapu.

— Aveshe moshilongo ngenge tava pewa oufemba u fike pamwe moupolotika nomoinima aishe yonghalafano.

— Ovo ve li meedolongo molwoupolotika tava efwa divadiva va longife eliameno lavo lopaveta, ngashi va hala, vo va etwe moipafi yaaveshe, va pangulwe.

— Ovawiliki voshili va monike tashi pitile mehoololo laaveshe la manguluka, novahoololwa ava va dja memanguluko, va longele kumwe mokufaneka onakwiiwa yoshilongo pehe na ou te va i moshipala.

Ehokololo eli la shainwa kovapateli vaheta-tu, ola xulifwa momadiladilo aa kutya: Onghedi yetu yomahepeko kai na eteelelo

lasha monakwiiwa. Efimbo omo tu li mo naalo hatu longo tu ka kale mo, otali pewa ovanhu kuKalunga ye mwene.

Ongeleka ei oi na ovakriste omayovi 128,566 moshilongo ashishe.

**SWAPO TA INDILE YO EHOOLOLO**

Ehoololo laaveshe moupolotika woshilongo ashishe sha Namibia, otali pulwa kuSWAPO.

Osha monika mefatululo eli la yandjwa koi-fo mu Desemba 1975, la dja mombelewa yaye muLondon.

Mokulondwela ovatilyane muNamibia vaha lungifwe eenhakwi domeva, kuS.A. efatululo ola dimbulukifa yo osho shi li mefinamhango longudu oyo sha tya:

Oumbada pokati komihoko muNamibia nomolwoshinakuwanifwa shOvanamibia aveshe, efinamhango letu nali hange etambulafano laaveshe pamhumbwe yoshiwana ashishe.

Efatululo eli inali tambula eenghundafana definamhango eli tadi ningwa paife mOv-  
nduka.

# SIRUGANA MOKATI KOVADUNI MOKAVANGO

Mosirugana sOvaduni 1974, moKavango, kwa kere irugana nosorta ntatu.

- a) sirugana mokatyi kovanasikora
- b) nokursesa dovakurona
- c) irugana yomapya

Mosirugana mokatyi kovanasikora morwa ikulya yawo, horomende kwa gava R10,000 dogoro R11,000 momvura zavali.

Esi tasi moneka mesanseko lyosirugana setumo, eli lya horoka mEpangelongeleka pehangeko lyomumvo 1975. Kodili nosikora dOvaduni 20 omo tamu kara vanasikora 530 - 560.

Moukriste wOvaduni kosili sininke sosidigu ngano va kure mehugvaru lyawo. Kureta vanona mesanso hambara, iso selike tava ninki meharo lyowo lyavene mokuhamena mepongero.

Nane Taimi Saari ogu a sanske ngasi kutanta asi; 1974 vakurona va kere nokursesa 20, vahongwa navenye kumwe 473. Vaduni vane va genere mosikora zoutekuligumbo, vakadona vavali novasamane vavali.

Mukadona gumwe ana ninki histori mokukwara pankedi zoukriste. Kunagweda ko mesanseko lyendi asi;

Kogeli mavega gatano gomapya vanarugana nomvura dimwe. Vantu momavega aga, koveli 530. Mavega gatatu gomanene koveli vapitisi woirugana yomapya iwo vanturagumbo Vakwangali.

Nturagumbo gumwe gOmoduni ana gwana nonsako hetatu mahangu nonosako ntatu makunde. Simpe kutupu vadameki wokuhara ngoso wovanzi.

Nane Taimi, Jes. Rut Lukas Elia Misse (Omodumi), awo velike va rugana mokatyi kOvaduni tava gwana ekwaso kovakriste momapongerogomutayi gwakavango.



## ELUNDULUKO LYONDANDO

Osha dhimbululwa nale nokuli mOmu kwetu gwaKotoba 1975, No. 19, kutya oondando dhosh:fo "Omu kwetu" otadhi ka lunduluka nuumvo. Osh:fo sh:mwe ngashingeyi (eksemplaar) otashi gu 10c. Ondando ayihe komumvo mOwambo nomUushimba R 2,00, kombanda yomafuta R4,00. Mboka ya hala shi ende mondhila R 5,00.

Omalunduluko oga holoka wo momatseyitho giinima ya kana, tayi shingithwa, tayi dhimbulukithwa noshu tuu, mbyoka yi na sha nomuntu mwene nenge nehanganano lyontumba. Uule wetseyitho nd:ka lyoosendimeta 21, otali gu R 20,00. Konyala osendimeta yimwe tayi gu R 2,20.

## OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofu dr. Leonard Auala. Amushanga Rev. Sebulon Ekandjo

Ondando yoshifo komumvo muSuidwes nomuAfrika alihe R 2,00 kombanda yomafuta R 4,00.

Oondando nomambesitelo naga tumwe kOmu kwetu Oniipa: P/B. 2013, Ondangwa.

Omatseyitho agehe gomuntu mwene ohaga futi-lwa kumwene.

OWAMBOKAVANGO CHURCH PRESS  
PRIVATE BAG 2013. ONDANGWA S. W. A.  
9270